

## Útkomið í A-deild Stjórnartíðindanna 1950.

Lög um ríkisábyrgð á útflutningsvörum bátáútlagsins o. fl., undirskrifuð af forsetanum 14. janúar 1950, nr. 1.

Lög um bráðabirgðabreyting á lögum nr. 62/1939, um tollskrá o. fl., undirskrifuð af forsetanum sama dag, nr. 2.

Lög um breyting á lögum nr. 85 frá 9. okt. 1946, um ráðstafanir í sambandi við skilnað Íslands og Danmerkur, undirskrifuð af forsetanum 21. janúar 1950, nr. 3.

Lög um breyting á lögum nr. 30 1. febr. 1936, um breyting á og viðauka við siglingalög, nr. 56 30. nóv. 1914, undirskrifuð af forsetanum 26. janúar, nr. 4.

Auglýsing um viðskiptasamning milli Íslands og Spánar, undirskrifuð af utanríkisráðherra sama dag, nr. 5.

Lög um framlenging á gildi laga nr. 114/1949, um bráðabirgðafjárgreiðslur úr ríkissjóði á árinu 1950, undirskrifuð af forsetanum 31. janúar 1950, nr. 6.

Lög um breyting á lögum nr. 51/1940, um gengisskráningu og ráðstafanir í því sambandi, undirskrifuð af forsetanum 2. febrúar 1950, nr. 7.

Lög um breyting á lögum nr. 58 8. sept. 1931, um einkasölu ríkisins á tóbaki, undirskrifuð af forsetanum 7. febrúar 1950, nr. 8.

Lög um viðauka við lög nr. 100 29. des. 1948, um dýrtiðarráðstafanir vegna atvinnuveganna, undirskrifuð af forsetanum 9. febrúar 1950, nr. 9.

Lög um heimild fyrir ríkisstjórnina að ábyrgjast allt að 2 250 000 króna lán til útgerðarmanna, sem stunduðu sildveiðar sumarið 1949, o. fl., undirskrifuð af forsetanum 14. febrúar 1950, nr. 10.

Lög um breyting á lögum nr. 19 22. marz 1948, um búfjárrækt, undirskrifuð af forsetanum sama dag, nr. 11.

Lög um samkomudag reglulegs Alþingis 1950, undirskrifuð af forsetanum sama dag, nr. 12.

## REGLUGERÐ

15

28. jan.

um breyting á reglugerð nr. 82 31. júlí 1947, um fjárhagsráð, innflutningsverzlun, gjaldeyrismeðferð og verðlagseftirlit.

### 1. gr.

II. kafli reglugerðar nr. 82 31. júlí 1947, um fjárhagsráð, innflutningsverzlun, gjaldeyrismeðferð og verðlagseftirlit, er úr gildi numinn.

### 2. gr.

Fjárhagsráð starfrækir innflutnings- og gjaldeyrisdeild. Hlutverk þessarar deildar er að framkvæma í umboði fjárhagsráðs og í samráði við það úthlutun gjaldeyris- og innflutningsleyfa og annast önnur störf, er fjárhagsráð kann að fela henni. Má þar til nefna ráðstöfun á farinrymi í skipum, er annast eiga vöruflutninga og eru á vegum islenzkra aðila. Enn fremur vöruskömmtun, verðlagsákvæðanir og verðlagseftirlit.

### 3. gr.

Fjárhagsráð ákveður með samþykki ríkisstjórnarinnar starfshætti og skipulagningu innflutnings- og gjaldeyrisdeildar og mælir nánar fyrir um starfssvið hennar eftir því sem þurfa þykir.

15  
28. jan.

4. gr.

Reglugerð þessi, sem sett er samkvæmt heimild í lögum nr. 70 5. júní 1947, um fjárhagsráð, innflutningsverzlun og verðlagseftirlit, öðlast gildi 1. febrúar 1950.

*Viðskiptamálaráðuneytið, 28. janúar 1950.*

**Björn Ólafsson.**

*Dórhallur Ásgeirsson.*

16  
28. jan.

**Staðfesting forsetans á skipulagsskrá fyrir „Bókasafnssjóð sjúkrahússins á Patreksfirði“,** útgefin á venjulegan hátt að mandatum af dómsmálaráðherra 28. janúar 1950.

Skipulagsskráin er þannig:

## SKIPULAGSSKRÁ

fyrir Bókasafnssjóð sjúkrahússins á Patreksfirði.

1. gr.

Sjóðurinn heitir Bókasafnssjóður sjúkrahússins á Patreksfirði.

2. gr.

Sjóðurinn er stofnaður með gjafafé, kr. 685.00, frá Gísla Jónssyni, forstjóra í Reykjavík, og kr. 1414.00 frá nemendum unglinga- og iðnskóla Patreksfjarðar.

3. gr.

Tilgangur sjóðsins er að koma upp bókasafni til afnota fyrir sjúklinga, er dvelja í sjúkrahúsinu á Patreksfirði.

4. gr.

Höfuðstól sjóðsins má aldrei skerða meira en svo, að hann nemi kr. 1000.00. Afgangi höfuðstóls og rentum á hverjum tíma skal varið til bókakaupa og bókbands. Sjóðurinn tekur við peninggjöfum, bóka- og áskriftum og áheitum.

5. gr.

Stjórn sjóðsins skipa, samkvæmt ósk gefendanna, héraðslæknir, sóknarprestur og yfirhjúkrunarkona sjúkrahússins á hverjum tíma, og skiptir stjórnin með sér verkum.

6. gr.

Stjórnin heldur gerðabók og skal skipulagsskrá þessi innfærð í hana og enn fremur allar gerðir stjórnarinnar, varðandi sjóðinn og bókasafnið.

7. gr.

Reikningsár sjóðsins er almanaksárið og skulu reikningar jafnan lagðir fyrir sjúkrahúsnefnd til samþykkis, og birtir síðan í sýslufundargerð Vestur-Barðastrandarsýslu.

8. gr.

Leita skal stjórnarráðssamþykktar á skipulagsskrá þessari og hún birt í B-deild Stjórnartíðindanna.